

Broj: 01-33-2712-2/26
Sarajevo, 26.06.2026. godine

Federalno ministarstvo zdravstva, rješavajući po zahtjevu Zavoda za javno zdravstvo Federacije Bosne i Hercegovine, sa sjedištem u ul. Maršala Tita 9. Sarajevo, i u ul. Vukovarska 46. Mostar, u predmetu utvrđivanja ispunjenosti uvjeta prostora, opreme i kadra za obavljanje stručnih poslova iz zdravstvenog menadžmenta, saglasno članu 18. Pravilnika o kontinuiranoj profesionalnoj edukaciji iz zdravstvenog menadžmenta („Službene novine Federacije BiH“, broj 25/26), a u vezi sa članom 200. Zakona o upravnom postupku („Službene novine Federacije BiH“, br. 2/98, 49/99 i 61/22), d o n o s i

RJEŠENJE

1. Utvrđuje se da **Zavod za javno zdravstvo Federacije Bosne i Hercegovine**, sa sjedištem u ul. Maršala Tita 9. Sarajevo, i u ul. Vukovarska 46. Mostar, ispunjava uvjete prostora, opreme i kadra za obavljanje stručnih poslova iz zdravstvenog menadžmenta, te mu se povjeravaju javna ovlaštenja u oblasti obavljanja stručnih poslova edukacije iz zdravstvenog menadžmenta.
2. Ovim rješenjem stavlja se van snage Rješenje Federalnog ministarstva zdravstva broj: 06-37-599-1/12 od 27.03.2012. godine kojim je utvrđeno da Zavod za javno zdravstvo Federacije Bosne i Hercegovine ispunjava uvjete prostora, opreme i kadra za obavljanje edukacije iz zdravstvenog menadžmenta, te mu se povjeravaju javna ovlaštenja u oblasti obavljanja stručnih poslova iz zdravstvenog menadžmenta.

Obrazloženje

Ovom ministarstvu obratio se Zavod za javno zdravstvo Federacije Bosne i Hercegovine, zahtjevom za utvrđivanja ispunjenosti uvjeta prostora, opreme i kadra za obavljanje stručnih poslova iz zdravstvenog menadžmenta, saglasno članu 13. Pravilnika o kontinuiranoj profesionalnoj edukaciji iz zdravstvenog menadžmenta („Službene novine Federacije BiH“, broj 25/26 - u daljem tekstu: Pravilnik). Uz zahtjev je podnesena dokumentacija u skladu sa članom 16. Pravilnika na osnovu koje se dokazuje ispunjenost uvjeta prostora, opreme i kadra za obavljanje stručnih poslova iz zdravstvenog menadžmenta.

Razmatrajući predmetni zahtjev, federalni ministar zdravstva je, saglasno svojim nadležnostima iz člana 17. Pravilnika, imenovao Stručnu komisiju rješenjem broj: 01-33-2712/26 od 20.05.2026. godine, koja je izvršila neposredni uvid u dostavljenu dokumentaciju, kao i uvid na licu mjesta u organizacijskim jedinicama podnosioca zahtjeva: Sarajevo, ul. Maršala Tita broj 9. i Mostar, ul. Vukovarska br. 46. Stručna komisija je zapisnički konstatirala da Zavod za javno zdravstvo Federacije Bosne i Hercegovine ispunjava uvjete prostora, opreme i kadra za obavljanje stručnih poslova iz zdravstvenog menadžmenta na obje lokacije, a u smislu člana 13. Pravilnika. Zapisnik Stručne komisije broj: 01-33-2712-1/26 od 26.06.2026. godine čini prilog ovog rješenja.

Imajući u vidu navedeno riješeno je kao u dispozitivu ovog rješenja.

Ovim rješenjem stavlja se van snage Rješenje Federalnog ministarstva zdravstva broj: 06-37-599-1/12 od 27.03.2012. godine kojim je utvrđeno da Zavod za javno zdravstvo Federacije Bosne i Hercegovine ispunjava uvjete prostora, opreme i kadra za obavljanje edukacije iz zdravstvenog menadžmenta, te mu se povjeravaju javna ovlaštenja u oblasti obavljanja stručnih poslova iz zdravstvenog menadžmenta. Zbog značajnog protoka vremena i izmjene propisa u ovoj oblasti, Zavod je zatražio ponovno utvrđivanje uvjeta radi usklađivanja sa važećim propisima.

Ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor kod nadležnog kantonalnog suda, u roku od 30 dana od dana prijema istog, a u smislu čl. 5. i 18. Zakona o upravnim sporovima ("Službene novine Federacije BiH", broj 9/05).

MINISTAR

Dr. Nediljko Rimać



DOSTAVLJENO:

1. Zavod za javno zdravstvo Federacije BiH,
2. Evidenciji,
3. Arhivi.

ZAVOD ZA JAVNO ZDRAVSTVO
F BIH, Sarajevo, Maršala Tita br. 9

Primljeno: 03-07-2026			
Org. jed.	Klasif. oznaka	Red. broj	Broj priloga
M-01-02-01-2-248-2/26			